

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14 i 59/22) i Preporuke Komisije za provođenje postupka javne nabavke broj: 08-04-4852/23 od 25.03.2024. godine u otvorenom postupku javne nabavke radova interventnog čišćenja vodotoka na području Grada Lukavac, Pomoćnik Gradonačelnika za Službu civilne zaštite i zajedničkih poslova, d o n o s i

ODLUKU **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj: 08-04-4852/23 od 25.03.2024. godine i Okvirni sporazum na period od 2 godine za radove interventnog čišćenja vodotoka na području Grada Lukavac, dodjeljuje ponuđaču „GRIMIG“ d.o.o. Klokotnica, Doboje Istok, koji je nakon provedene e-aukcije, dostavio ponudu sa najnižom cijenom, u vrijednosti od 198.300,00 KM bez PDV-a.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na internet stranici ugovornog organa (www.lukavac.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 08-02-4838/23 od 07.12.2023. godine. Postupak nabavka je proveden putem otvorenog postupka javne nabavke. Procijenjena vrijednost javne nabavke bez PDV-a je 200.000,00 KM.

Obavještenje o nabavci broj: 719-1-3-132-3-207/23 objavljeno je na Portalu javnih nabavki dana 07.12.2023. godine.

Komisija za provođenje postupka nabavke imenovana Rješenjem o imenovanju Komisije za provođenje postupka javne nabavke broj: 02-04-4894/23 od 11.12.2023. godine, dostavila je Pomoćniku Gradonačelnika Službe civilne zaštite i zajedničkih poslova Zapisnik o pregledu i ocjeni ponuda broj: 08-04-4852/23 od 18.03.2024. godine, Zapisnik o pregledu i ocjeni ponuda nakon e-aukcije od 25.03.2024. godine, Preporuku o izboru najpovoljnijeg ponuđača broj: 08-04-4852/23 od 25.03.2024. godine i Izvještaj o radu broj: 08-04-4852/23 od 26.03.2024. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u kojima je utvrdila sljedeće:

- da je ukupan broj pristiglih ponuda 8 (osam);
- da je blagovremeno zaprimljeno 8 (osam) ponuda;
- da nije bilo neblagovremenih ponuda;
- da su 2 (dvije) ponude prihvatljive
- da je 6 (šest) neprihvatljivih ponuda

U postupku donošenja ove Odluke, posebno je cijenjena činjenica da je Komisija, pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.


U postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju utvrđeno je da je ponuđač GRIMIG d.o.o. Klokočnica, Doboj Istok, nakon provedene e-aukcije, dostavio ponudu sa najnižom cijenom koja je u okviru procijenjene vrijednosti predmetne nabavke.

Detaljno obrazloženje razloga za izbor najpovoljnijeg ponuđača dato je u Zapisniku o pregledu i ocjeni ponuda broj: 08-04-4852/23 od 18.03.2024.godine i Zapisniku o pregledu i ocjeni ponuda nakon provedene e-aukcije broj: 08-04-4852/23 od 25.03.2024.godine, koji se uz ovu Odluku dostavljaju svim ponuđačima koji su učestvovali u postupku nabavke.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac, Služba civilne zaštite i zajedničkih poslova, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.


POMOĆNIK GRADONAČELNIKA
Edin Hamzić, dipl. ing.

Dostaviti:

1. ROADING d.o.o. Gračanica
2. UNI BAU d.o.o. Klokočnica, Doboj istok
3. GRAMAT d.o.o. Gračanica
4. GRIMIG d.o.o. Klokočnica, Doboj Istok
5. E&D BAUKOP d.o.o. Lukavac – Berkovica
6. NEA GRADNJA d.o.o. Lukavac
7. DEN ALM COMPANY d.o.o. Lukavac
8. TIM FLEŠ d.o.o. Devetak - Lukavac
9. Arhivi